

Resolución da Dirección Territorial da Consellería do Mar na Coruña pola que se actualiza a lista aberta para o incremento do número de cotas de captura para as embarcacións incluídas no plan de xestión do recurso específico PERCEBE, modalidade dende embarcación, da Confraría de pescadores de Aguiño

Antecedentes

1. O 05.05.2025 esta dirección territorial ditou a Resolución pola que se fixo pública a última actualización da lista elaborada polo procedemento de incremento de cotas de captura para as embarcacións incluídas no Plan de xestión para o recurso específico percebe, modalidade dende embarcación, da Confraría de pescadores de Aguiño (en adiante plan de xestión).
2. A Orde do 19 de decembro de 2024 aprobou os plans de xestión para recursos específicos e algas en Galicia para o trienio 2025-2027 (DOG Núm. 251, de 31.12.2024).
3. O 08.10.2025 Os Gómez Pesca SC, nova sociedade armadora da embarcacións OS GÓMEZ (CFPO 2603), achega un escrito no que solicita manter a puntuación coa que figura a embarcación na lista aberta logo da transmisión do permiso de explotación da embarcación a nova sociedade armadora porque a anterior persoa armadora forma parte da sociedade civil que explota a embarcación e polo tanto é a mesma persoa cuxos méritos xa se tiveron en conta na puntuación.
4. O 08.03.2022 esta dirección territorial ditou a Resolución pola que se autorizou a transmisión do permiso da explotación da embarcación IREMOS (CFPO 4500). O novo armador non solicitou a actualización de méritos.

Este departamento territorial comunicoulle este feito o 27.02.2026 e requiriulle que achegara unha nova solicitude de incorporación á lista advertíndolle que de non facelo procederíase a dar de baixa a embarcación IREMOS (CFPO 4500) da Lista para o incremento de cotas de captura para as embarcacións incluídas no plan de xestión da Confraría de Pescadores de Aguiño do recurso específico percebe.

A persoa armadora da embarcación IREMOS (CFPO 4500) rexeitou a notificación por non acceder en prazo e non achegou ningunha solicitude de incorporación á lista.

Consideracións legais e técnicas

1. A Orde do 30 de decembro de 2015 pola que se regula a explotación dos recursos específicos no ámbito da Comunidade Autónoma de Galicia, establece nos artigos 39 a 46 o procedemento para o incremento do número de cotas de captura para as embarcacións

Dirección Territorial da Coruña
Rúa Ramón y Cajal, 2 5º andar (Casa do Mar)
15006 A Coruña
Tel.: 981 182 000
departamentoterritorial.mar.coruna@xunta.gal





incluídas nun plan de xestión. No seu artigo 39 establece un sistema de lista aberta para o incremento do número de cotas de captura para as embarcacións incluídas nun plan de xestión na que a orde de prelación das embarcacións virá determinado pola puntuación obtida trala aplicación do baremo previsto no artigo 43.1.

2. No punto 4 do artigo 39 da Orde do 30 de decembro de 2015, establécese que as listas estarán abertas permanentemente para que as persoas armadoras de embarcacións interesadas incluídas no plan de xestión poidan solicitar a inscrición.

3. No artigo 45 da citada orde establécese que as persoas armadoras de embarcacións xa inscritas nas listas poderán actualizar os méritos, o que implicará a correspondente modificación da puntuación, no seu caso. Segundo este mesmo artigo, as solicitudes realizaranse no mes de xaneiro e a actualización efectuarase no primeiro cuadrimestre de cada ano.

4. As embarcacións admitidas están incluídas no plan de xestión de percebe da confraría de pescadores de Aguiño e cumpren os requisitos establecidos para participar no sistema de listas para o incremento do número de cotas de captura do recurso específico percebe (artigos 41 e 42 da Orde do 30 de decembro de 2015).

5. As solicitudes presentadas valoráronse de acordo co establecido no anexo I (epígrafes A e C) da Resolución do 4 de maio de 2016, da Dirección Xeral de Desenvolvemento Pesqueiro, modificada pola Resolución do 18 de maio de 2020.

6. No caso de que se efectúe a transmisión do permiso de explotación dunha embarcación inscrita na lista, a embarcación causará baixa nesta. Para a súa inclusión, a nova persoa armadora deberá presentar unha nova solicitude de inscrición na lista ao obxecto de actualizar os méritos para a nova persoa armadora no momento en que se autorice a transmisión do permiso de explotación.

7. Esta dirección territorial é o órgano competente para a elaboración e o control das listas, así como para a súa actualización e para comunicar o seu emprego de conformidade co establecido na sección 4ª do capítulo III e o artigo 52 da Orde do 30 de decembro de 2015, pola que se regula a explotación dos recursos específicos no ámbito da Comunidade Autónoma de Galicia.

8. Non compre publicar unha lista coa puntuación provisional das embarcacións que forman parte desta lista ao non modificarse ningunha puntuación, xa que as únicas actualizacións que inclúe esta Resolución son a baixa da embarcación IREMOS (CFPO 4500) e o mantemento da puntuación da embarcación OS GÓMEZ (CFPO 2603) logo da transmisión do permiso de explotación.

De acordo con todo o anterior,

RESOLVO:

1. Actualizar a lista aberta para o incremento do número de cotas de captura para as embarcacións incluídas no plan de xestión do recurso específico PERCEBE, modalidade dende embarcación, da confraría de pescadores Aguiño.





A antedita actualización consiste na baixa da lista da embarcación IREMOS (CFPO 4500) por non solicitar a súa inclusión logo de non responder ó requirimento realizado o 27.02.2026 e o mantemento da puntuación outorgada a embarcación OS GÓMEZ (CFPO 2603), xa que se mantén a mesma persoa armadora designada para a valoración dos méritos do baremo, logo da transmisión do permiso de explotación da embarcación a nova sociedade armadora.

Contra esta resolución, que non pon fin á vía administrativa, as persoas interesadas poderán interpoñer recurso de alzada ante o conselleiro do Mar no prazo dun (1) mes contado a partir do día seguinte ao da publicación, de acordo co establecido nos artigos 30, 121 e 122 da Lei 39/2015 de 1 de outubro, do procedemento administrativo común das administracións públicas.

A presente resolución publicarase na páxina web <http://www.mar.xunta.gal>. Tamén se exporá, con carácter informativo, no taboleiro da confraría de pescadores de Aguiño.

Esta resolución notifícaselle á confraría de pescadores de Aguiño consonte ao artigo 40 e seguintes da Lei 39/2015, de 1 de outubro.

A directora territorial
María José Cancelo Baquero





ANEXO I: Lista aberta para o incremento do número de cotas de captura para as embarcacións incluídas no plan de xestión de percebe da confraría de pescadores de Aguiño

Embarcación	Matrícula Folio	Embarcación cunha soa cota de captura C.1	Experiencia profesional armador C.2	Habitualidade da actividade pesqueira C.3	Total
PEONIÑA	VILL-1 3813	5,00	4,00	2,00	11,00
CUARTA AGUILA	VILL-1 4494	5,00	4,00	1,00	10,00
ANABEL	VILL-1 4307	0,00	4,00	3,00	7,00
HALY	VILL-3 5-95	0,00	4,00	3,00	7,00
ITA	VILL-1 4342	0,00	4,00	2,00	6,00
MADRE MIA	VILL-2 4245	0,00	4,00	2,00	6,00
MARIA DEL CARMEN	VILL-1 2547	0,00	4,00	2,00	6,00
OS GOMEZ	VILL-1 5-05	0,00	4,00	2,00	6,00
FRANKADA-B	VILL-1 4-19	0,00	3,40	2,00	5,40
MARI	VILL-1 3543	0,00	4,00	1,00	5,00
COUSO	VILL-1 3576	0,00	3,80	1,00	4,80
J.O.	VILL-1 4505	0,00	4,00	0,00	4,00
J. XUNQUEIRA	VILL-1 4614	0,00	1,80	2,00	3,80
EROS	VILL-1 4789	0,00	0,60	1,00	1,60
NATALY	VILL-1 4791	0,00	1,20	0,00	1,20
AHORA UNO	VILL-1 12-05	0,00	0,00	1,00	1,00
LA VERDAD	VILL-1 1268	0,00	0,00	1,00	1,00
MILIN	VILL-1 4193	0,00	0,00	1,00	1,00
SOL MARY	VILL-1 4143	0,00	0,00	1,00	1,00
MIRAME	VILL-1 2521	0,00	0,00	0,00	0,00
NOMAR	VI-5 9950	0,00	0,00	0,00	0,00
TORR	VILL-1 8-04	0,00	0,00	0,00	0,00

Para as embarcacións que figuran empatadas coa mesma puntuación, a orde na que se amosan é simplemente alfabética e non supón ningunha prioridade. No caso de ser necesario, previamente á oferta de cotas ás ditas embarcacións, resolverase o empate por sorteo en presenza das persoas afectadas pola dita situación.





Os epígrafes de cada columna son: (de acordo co apartado C do anexo I da Resolución do 4 de maio de 2016, da Dirección Xeral de Desenvolvemento Pesqueiro, pola que se aproba o baremo para acceder ás modalidades de recursos específicos no permiso de explotación das embarcacións, así como para elaborar as listas e actualizar os méritos para o incremento do número de cotas de captura para as embarcacións incluídas nun plan de xestión de recursos específicos, modificada pola Resolución do 18 de maio de 2020, da Dirección Xeral de Desenvolvemento Pesqueiro)

? **TOTAL:** puntos acadados en total.

☒ **C.1: Embarcacións que só teñen unha cota de captura no plan de xestión: 5 puntos.**

☒ **C.2: Experiencia profesional no sector da persoa armadora da embarcación.**

Terase en conta que a persoa armadora estivese enrolada como percebeira (con acreditación) en embarcacións que contan coa modalidade nos 2 anos anteriores á data da convocatoria: 0,2 puntos/mes completo. Para as embarcacións que solicitan a inscrición na lista, unha vez confeccionada, entenderase nos 2 anos anteriores á data da entrada da súa solicitude no Rexistro electrónico da Xunta de Galicia.

A puntuación máxima total que se poderá obter nesta epígrafe será de 4 puntos.

☒ **C.3: Habitualidade da actividade pesqueira.**

- Se a embarcación acredita ter realizado actividade extractiva entre 15-35 % dos días que foron efectivamente autorizados para a extracción dentro do plan de xestión do ano natural inmediatamente anterior: 1 punto.

- Se a embarcación acredita ter realizado actividade extractiva entre 35,01-60 % dos días que foron efectivamente autorizados para a extracción dentro do plan de xestión do ano natural inmediatamente anterior: 2 puntos.

- Se a embarcación acredita ter realizado actividade extractiva superior a un 60,01 % dos días que foron efectivamente autorizados para a extracción dentro do plan de xestión do ano natural inmediatamente anterior: 3 puntos,

Para as embarcacións que solicitan a inscrición na lista, unha vez confeccionada, entenderase o ano natural inmediatamente anterior á data da entrada da súa solicitude no Rexistro electrónico da Xunta de Galicia.

A puntuación máxima total que se poderá obter nesta epígrafe será de 3 puntos.

